

## Fundargerð skólaráðs Stekkjaskóla

### 1. fundur haldinn mánudaginn 7. febrúar kl. 15:45. Haldinn í kennslustofu 4. bekkjar í færanlegu kennsluhúsnæði skólans.

Mætt: Hilmar Björgvinsson skólastjóri, Guðný Lára Gunnarsdóttir og María Ósk Ólafsdóttir fulltrúar kennara, Soffía Magnúsdóttir fulltrúi annarra starfsmanna og Smári Hallgrímsson fulltrúi foreldra. Guðjón Bjarni Hálfánarson boðaði forföll. Fulltrúai grenndarsamfélagsins og fulltrúar nemenda verða valdir fyrir næsta fund.

Fundargerð: María Ósk Ólafsdóttir

#### 1. Kynning á fulltrúum

Hilmar kynnir fulltrúa sem sitja í skólaráði. Það vantar fulltrúa frá grenndar- samfélaginu og fulltrúa nemenda. Þetta skólaár eru frekar ungir nemendur í Stekkjaskóla (1.-4. bekkur) þannig að við þurfum aðeins að sjá hvernig aðkomu þeirra verði háttáð á fundum. Kjósa þarf tvo nemendur í skólaráð. Guðný stingur upp á að þegar búið er að velja nemendur þá verði auka fundur sem verði aðeins tileinkaður þeim og styttri en vanalega.

Fulltrúar skólaráðs skólaárið 2021-2022:

		Varamenn:
• Skólastjóri:	Hilmar Björgvinsson	Ástrós Rún Sigurðadóttir
• Fulltrúar kennara:	Guðný Lára Gunnarsdóttir María Ósk Ólafsdóttir	Eyrún Óskarsdóttir Kristín Ragna Bergmann
• Fulltrúi annarra starfsmanna:	Soffía Magnúsdóttir	Bergdís Bergsdóttir
• Fulltrúar foreldra:	Guðjón Bjarni Hálfánarson Smári Hallgrímsson	

#### 2. Fulltrúi grenndarsamfélagsins

Skólaráð veljur einn fulltrúa úr hópi íbúa í grenndarsamfélaginu eða viðbótarfulltrúa úr hópi foreldra. Rætt hvort fulltrúum detti einhver í hug og ræddar þær nafnahugmyndir sem hafa verið gaukaðar að Hilmar. Samþykkt að Hilmar heyrir í þeim sem hafa verið nefndir.

#### 3. Hlutverk skólaráðs og starfsáætlun

Hilmar fór aðeins yfir reglugerðina fyrir skólaráð og þá sérstaklega þátttöku nemenda og fulltrúa foreldra í skólaráði. Skólaráð fjallar meðal annars um ýmis mál sem tengjast skólanum. Mikilvægt að rödd foreldra fái að heyrast í stefnumörkunum skólans.

Verkefni skólaráðs eru margvísleg.

Farið var yfir starfsáætlun skólaráðs en samkvæmt 4. gr. um skólaráð við grunnskóla nr. 1157/2008 skal skólaráð setja sér starfsáætlun til eins skólaárs í senn. Skólaráð skal meðal annars hafa einn opin fund á hverju skólaári.

Starfsáætlun skólaársins:

- Febrúarfundur – kynning á fulltrúum, fulltrúi grenndarsamfélagsins, hlutverk skólaráðs og starfsáætlun, fundartími skólaráðs, skóladagatal 2022-2023, námsefniskynningar 1.-4. bekkja, staða framkvæmda við nýbyggingu Stekkjaskóla, önnur mál.
- Mars/aprílfundur – opinn fundur skólaráðs, kynning á starfsáætlun Stekkjaskóla, niðurstöður úr Maskínu starfsmannakönnun, niðurstöður úr foreldrakönnun Skólapúlsins, staða þróunarverkefnis.
- Maí/júní- áherslur næsta skólaárs, starfsmannamál, kaffihúsfundur með starfsfólki skólans og stjórn foreldrafélags varðandi innara mat.

#### **4. Fundartími skólaráðs**

Ákveðið að hafa fundina á mánudögum. Sú hugmynd kom upp að hafa annan hvern fund að morgni og hinn seinni part.

Stefnt að því að hafa næstu fundi á eftirfarandi dags- og tímasetningum:

- 21. mars opinn fundur kl 8:30
- 23. maí kl. 15:00

#### **5. Skóladagatal 2022-2023**

Hilmar kynnir drög af skóladagatali næsta skólaárs.

Allir bara nokkuð sáttir við skóladagatalið. Kom upp hugmynd um að það gæti verið gaman að hafa íþróttadag eða eitthvað skemmtilegt 19. desember.

#### **6. Námsefniskynningar 1.-4. bekkja**

Hilmar fór stuttlega yfir námsefnakynningar, einnig var farið yfir eftirfylgni með veikindum, leyfum eða fjarvist.

Almennt ánægja með námsefniskynningar sem sendar voru heim.

#### **7. Staða framkvæmda við nýbyggingu Stekkjaskóla**

Farið var yfir tímalínuna fyrir 2022 – 2024

Sýndar voru myndir frá framkvæmdarferlinu fram til dagsins í dag, einnig voru skoðaðar teikningar af framtíðarhúsnæðinu. Öllum leist vel á þetta nýja skólahús og svæðið þar í hring. Það kom upp sú hugmynd að hafa hreystibraut hér við Stekkjaskóla.

Aðeins rætt þegar 2. áfangi er klár hvort við verðum þá með alla bekki grunnskólans, 1.-10.bekk og nýta núverandi húsnæði. Það er kannski eitthvað sem hægt verður að bjóða upp á fyrir þá nemendur sem búa í hverfinu og vilja vera í Stekkjaskóla í 8. – 10. bekk.

Aðeins rætt um skólahúsnæðið hér í Áborg og hvað stóru skólanir eru sprungnir. Margt í gangi hér í Árborg og mikil uppbygging.

## **8. Önnur mál**

Skólaráð þarf að hafa varamenn fyrir alla fulltrúa. Hilmar ætlar að heyra í formanni foreldrafélagsins varðandi varamenn foreldra.

Fundi slitið kl 17:25

MÓÓ/HB

### **Fylgiskjöl:**

Kynning skólastjóra

Skóladagatal 2022-2023